

摘藻堂四庫全書薈要

集部

欽定四庫全書卷八十一會要

集部

御製詩二集卷八十一

二



詳校官原任編修臣徐立綱

欽定四庫全書薈要卷一萬三千四百八

集部

御製詩二集卷八十一

古今體七十八首

戊寅七

至避暑山莊作

慈輿又駐茲

堯年寶額至今垂
本予起愛起敬處
值此宜風宜月時
蟲是秋音喧砌角
山猶古色罨簾眉
也知吟興行將發



且復從容蘊蓄之

清舒山館

座有瑤琴架有書
清秋重此坐清舒
禽魚總是忘機侶
山水真成繕性居
綠潤鋪林延爽細
紅芳戀沼送香徐
題詩四壁饒何事
今昔分明靜校餘

招涼榭

傍午小炎蒸
山田正資長
秋長利在農
豈計礙遊賞
近西得陰早
信步尋涼往
豁然水雲榭
適可悅俯仰
襟袖

覺颯寒眉目為清朗舉頭見題額副實誠不爽

寫心精舍

層樓奉

神御精舍構其右寫心則不無繼

武誠奚有言念甫韶齡何以蒙

恩厚

聖顧直注今敢不勗授受勤政勵渺小籌治惠黔首安
內逮厥外慎始要以久惟是

美牆瞻瞠乎益覺後

荷

每來偏愛荷猶存雖非三徑實仙源藏鷗友鹿秀而野
微露盪風廉且溫託根常在雲霞表駐年八千應覺少
卉中君子誠有之予方惜此馮唐老

題澄觀齋

萬物到秋澄斯齋獨擅稱天高雲影淡樹疊籟聲層綠
牖虛延爽玉壺都是冰從來宜此句拈出向何曾

翠雲巖

虛榭三間面豎峯交枝薈蔚葉丰茸雖然已是雲閒候
却看氤氲翠尚濃

千尋石壁聳嶽嵒倚拖地眉毛能爾為若向是閒知悟處
翠雲還笑宋雲癡

聽瀑二首

振鷺飛泉落野灘閒亭有暇每觀瀾世間無物可形狀
滿耳仙韶滿目寒



西壁懸流也自奇東來野水匯成池南人只道邊關苦
北地何曾知合詩

永恬居

水複山重處金風玉露時僻非塵所到靜與性為宜居
永真堪憩心恬恰好思所思在何許

皇祖聖踪遺

素尚齋

齋接永恬居相望

聲平

前後廬磴廊斜轉上巖牖朗開虛

得趣景殊狀題名義各臚要同歸靜觀去聲一致每欣於
熱

關外秋未勝去年攬轡沿途為慰悅山莊近遠罨黃雲
晶陽邇日更蒸熱固云時燠催西成當秋炎恐乖素節
紗衣傍午欲換葛松牖延颼復搖箴菜畦苕圃胥待潤
山岡易燥金曦烈因思涼雨一湔漑蕎麥作花方似雪
情知萬事難兼全惟冀兼全意方愜

學古堂

樸室山水間

軒篆題學古插架富芸編觸目堪為矩近思孰挈要應
是無逸所

皇祖信得師我勉師

皇祖

微雨

微雨聞清夜情知未即霑山田多益善塞苑冷何嫌菜
町葉方茁蕎坡花尚纖老農與老圃寧識慮常兼

霞標室

書室千峰表金秋八月清

時八月朔日

招涼在懷袖寫霧出

檐楹便欲望銀海何須擬赤城風泉清聽滿

室中有皇祖題

額云風泉清聽滿

常見

聖人情

菴畫窓

室據山高來不頻偶來便爾暢心神一天秋景雲窓外

大似王蒙荷葉皴

見說佳山似真畫或稱佳畫即真山世情定論曾誰是
我亦疑贗於此間

雨

塞山易作雲今秋乃艱致展轉切望霖晚田漸憔悴觸
石膚寸合靈雨盆傾至旣放更悠揚綿霽飄長勢婪熱
復何有乍可夾衣試蕎麥總回蘇瓜菜洎餘惠去歲關
外早來即叨明賜大田雖無救遲稼半穫遂今年早收
定雨暘頗愜意邇來方待澤此雨真稱瑞勤民無間心

祈農寧較地却懸關內望曾否均霑未

驛章至知京師亦望雨詩以誌事

昨對秋霖偶繾情驛章今遍自都城一般蕎菜原需澤
廿日風雲太過晴敢以黍禾獲為解惟茲宵旰慮常縈
先憂後樂本吾分終覺樂稀憂每盈

塞山

塞山過雨易生涼清曉居然換袷裳谷口沙含漲影退
樹根草掛蔓絲長稱心野景呈虛牖極目秋田蘇遠岡

傍午轉暄真恰當為催萬頃稼雲黃

新月

眉細中秋月冰寒欲滿空塞山高見早素景迥難同漱
灔滄池浪徘徊疊樹叢錘峰玉臺是團鏡待懸東

夜雨

怪底山涼切枕衾電電夜雨落空林繼霑更較前朝渥
疎滴旋聽密點斟楓葉不殊蕉葉響早田望到晚田心
霽非急陣應遐被佇擬京師報喜音

含粹齋

山靜林空秋氣清
巖齋座與白雲平
花香鳥語堪探賸
露潔風高總至精
畫展諸峰窗外豎
琴調一水澗前橫
稱文果是深於易
我亦因辭見

聖情

滄浪嶼

澄泓半畝即天池
池上疏軒四季宜
疊石入波疑倒挿
嵌楓經籟故紛披
禽魚得所情含樂
星月涵虛意想知

此處本不常臨
夜景更所未覩

雅似御園畫禪室

御園池上居又名畫
禪室長夏恒憩息處

是室一般
擣藻構吟思
似之

千尺雪

地真塞北無雙地
泉不江南第幾泉
太古林嵐人鮮識
付他秋月與春煙

疊石疏流落澗鳴
漚為汀沼漂然清
若從雲外來源計
千尺稱猶太屈生

一處圖存四處踪

西苑盤山熱河惠泉各為一圖
千尺雪名之而一處各藏四圖以便

展閱東西南北任相逢竹鑪應付高閒者慙愧浮香越碗
濃

即事

厄魯蕩平回部連止戈畢竟是何年固緣弦上矢必發
終愧階前羽舞旋勃律正聞踵來接堅昆佇待首誅駢
山莊行慶暇奚念念到庫車阿那邊

涼

曉起居然愛向陽塞山能爾變炎涼篋中率欲藏輕扇

林下無煩泛野航且喜秋雲纔過雨亦愁白露乍為霜
一愁一喜緣何事萬頃田雲漸作黃

雨

山雲過午重秋雨帶涼來益覺蕎蔬好雅宜松竹陪霈
膏霏亦易婪熱滌如推京報霑仍冀

昨閱驛章知京師
雖得微雨尚冀大

霈
南瞻慮幾迴

紅葉

疊嶂青雲放曉晴乍看紅葉一枝橫徘徊體物難成句

幾點玫瑰襯綠瓊

何必過雲錦繡攢却欣少見耐吟安北寒知早連林紫
逸興端飛向木蘭

題蔣溥畫

秋暖無端遲桂芳綴枝初折幾苞黃玉貌靜守冰輪朗
畫出人間滿意涼

京師得雨誌喜

京報傳來霽澤充北南霑潤一朝同
十三日熱河遠近同時並得透雨

那當秋日還喜雨慰在其中愧在中

街頭米價早稱平

京城秋初糧價稍昂命發倉米分糶近已平減

却為晚田望

澤忤蕎坂菜畦生意轉欣同農圃待西成

瑩心堂

疏榭碧湖中澄觀若鏡空最堪窮理趣可以令機融望
去寥蕭野披來颯沓風一輪端正好朗照此心同

遣興

遣興寧蘄辭騁妍山莊書史足精研一心不息庶少過

萬事由來忌太全詎以內安忘外靖那期後樂祇憂先
題詩四壁驗今昔政學均慙尚闕然

中秋侍

皇太后宴

歲歲時行奉

大安山莊慶節侍

慈歡光明徧照恒沙界端正何須七寶攢高下巖楓疑
桂馥友羣野鹿共蟾看底緣益覺中秋好地迥樓臺近

廣寒

詠鹿角筆架

茸長八叉老蛻然去不留無從別麋麋又幾閱春秋形
欲成芝朶堅將變石頭雅宜供架筆毛穎本同遊

熱河啟蹕木蘭行園之作

山莊行慶中秋度呦鹿鳴時可重去聲遲野水寒灘循迤

邐舊藩新附盡追隨幾重平聲塞樹含霜色一縷村煙起

曉炊更有予心誠慰處告成多稼幸如茨

筆架峯

筆架三峯迴出羣
支天萬古翠嶙峋
宣毫湘管難堪倚
合付尋常腹藁人

化工著意玉雕鏤
肯使詞人弄筆頭
李白若曾經到此
不知奇句幾多留

策馬

策馬度山村
過雨蘭蹊淨
高下稼滿谷
穗飽纍垂柄
便霜亦不妨
西成料已定
去歲此間旱
經過切憂恠
今秋

償倍蓰額手為深慶承平戶口滋穀寶繫民命內地無
遺利關外率墾竟一例祝倉箱豈復分庭徑設以漢唐
論守在此所屏今古實異宜要在因時應保泰凜三無
勅幾勤八政

駐行營

今年獵場向迤東崖口外即行營駐曉涼羣已換旗冠
背指離宮猶驛路輕驄得得進圍界漸遠村莊多野趣
四十八家率獵騎橐韃供役咸來赴牛年駝圖滿谷中

乳餅馬漣隨意酤厄魯驚歎有如是伊犁較此難言富
山莊幾日陪宴賞宮室衣冠非所諭古來北部輕南朝
今日歸新原勝故我聞此語心為怡延美孰非

祖烈貽共搢紳士議兵革與介胄士談書詩以水投石
昔所譬杓鑿弗入其奚疑習勞繩

武益懃懇一家中外綿丕基

過東嶺

東嶺名汗特木爾過嶺即是獵場山不常經乃喜初遇

翠園紫邏紛孱顏塞樹新霜紅間綠野水出石潺且湲

地近園界獸雖少逸麇難避鳥號鸞

是日馳射一麇隨箭而斃

新藩

創見咋古歎

時都爾伯特貝勒及扎哈沁烏良海皆令隨園

舊屬熟悉額手歡

繫我所喜固有在景宜詩更餘清閒

詠掛餅

大邑冰瓷巧就模擷芳隨處貯瓊敷邨程水陸延羣玉
風月三千護藍珠不是文殊命童子定為長吉背奚奴
一塵弗染諸緣靜豈識尋常有苑枯

即景

拂廬幾點曉霜輕
跋馬剛欣卜爽晴
問景雅宜詩外趣
合園總在畫中行
塞山涼暖渾無定
巖樹丹青最有情
詎謂從禽忘一切
庫車時刻念怵怵

俊鵲驄歌

烏良海獻胡青驄
天閑牧養經再冬
本是俊骨易調習
今來備駕秋園中
左旋右抽盡如意
發小殢大皆從容
一馳疊獲鹿曰兩
再馳更斃狐之封
千二百騎所共覩

無此此輩惟面從致力可息佳名賜亦不啻力德並同

得庫車城誌事

有序

庫車之圍將軍雅爾哈善坐失事機方小和卓木
率衆來援屢經被殲而任其潛入潛出若罔聞知
前後奏報矛盾具見前詩知其株守淹時必致逆
黨兔脫坐得空城以自解今報至悉如所料詩以
識恨

我師久圍賊庫車

讀作歌韻

殲其援者紛如麻惟是將軍無

紀律卒致竄走彼么麼軍書之什已誌恨後聞地穴為

賊遮

雅爾哈善用綠營穴地火攻計轉為賊覺橫截預一溝焚燒兵丁乃不自引咎惟委罪將佐塞責

料將得空城耳彼賊腹心仍逃他驛章忽至共披閱一
一如言曾不差言則不差事則債用匪其人愧若何

九月朔日作

策馬凌晨了不涼縝紛疊巘錯青黃望中九日節將到

塞上今年暖異常漫學鹿麋嫌候舛

鹿鳴於秋分前後入哨率候是時今

年秋暖故鹿欣同菜圃慶秋長待園每選嘉陰坐攬景
哨尚未盛也

從容有句償

布魯特使臣至宴賜即席得句

七戎舜教遠難稽布露通唐付狄鞮

布魯特自古未通中國考唐書西域

傳始載布露或云勃律有大小兩王其時雖稱內屬不過羈縻勿絕而已

部昔兩王稱大小

人今一派別東西

布魯特有東西之號在東者分鄂拓克為五在西者分鄂拓克為十五

新恩恰值伊綿峪

布祜圖昂阿乙亥歲平準噶爾噶爾藏多爾濟等來朝於此丁丑歲哈薩

克歸化使臣根扎噶喇等亦來朝於此今歲布魯特歸化其使臣亦適朝覲於此地靈佳兆有如此神奇者因

名其峪曰伊綿伊綿者國語會極歸極之意也

舊識無逢達瓦齊

時達瓦齊扈駕預宴詢諸

使臣知其舊為台吉
時曾識之笑語甚懽
勤遠拓邊凜古戒捧盈恭已奉

天提

題董邦達畫二首

秋林絢采

堯峯雄厚落飛泉萬葉含霜綵翠鮮
命意由來非嚮像
得從扈蹕寫真詮

宿雨含煙

曉煙欲泮意猶酣
野釣蒼蘆鎖碧潭
應是中庭動秋思

遄飛逸興到江南

叢薄行

叢薄之中聞有虎三子逐逐隨其母鎬斃於菟及一子
其二曳尾藏深莽惡獸應弗留餘孽是非所云不探卵
叶因命生擒觀壯材羽林徼矧皆暴怒兩人搏一何足
云一人獨攫誠堪詡其名乃曰貝多爾索倫侍衛中英
楚手尾挈領安且詳須臾虎兒入柙據被斑綉白涉鋪
張豈似今朝萬目覩喜亦詎為萬目覩適有新歸化布

魯

右部哈薩克歸化遣使朝貢詩以紀事

有序

右部哈薩克其汗曰阿比里斯與塔什罕城回人等接壤雜居地廣人稠不下左部阿布賚所屬向為厄魯特間阻未通聲教今年秋參贊大臣都統富德追捕準夷餘孽哈薩克錫拉兵至其地會塔什罕與右部哈薩克構釁互擊因遣侍衛蒙固爾岱等宣諭威德哈薩克叩首輸誠即日遣使朝貢

而回目莫爾多薩木什和卓亦悔悟息爭並令頭
目同時入覲念兵非得已而所至如歸披閱郵函
輒臚其緣起如此

偏師西海勦逋逃取便恩宣雜種曹豈謂解紛更釋難

時右部與回人方背水決勝蒙固爾岱等
單騎入兩陣間指揮宣檄即解甲聽命 匪徵目宿與

葡萄情歆左部榮同被 其疏畧云右部素與左部阿布
賚同為雄長今得均隸臣僕自

効請倍左部
語无愷摯 德慙 去聲 兩階會偶遭厚往薄來九經式持

盈保泰一心操

九日

木蘭雅合度重陽處處登高是勝場漢殿空傳蓬餌食

拂菻還識鬱金香

時布魯特隨團亦預宴賜唐書勃律傳地宜鬱金

綠莎宜馬

滋逢暖紅葉藏麋艷鬪霜小矣淮南稱盛會鴻網萬騎

總軒昂

出崖口

廿日本蘭事大蒐惠遐示度禮粗修罷園纔出峭崖口
遵路旋過野渡頭漫戀友群歌悉率恰欣塲圃報登秋

山莊錫宴應聊駐懷遠寧教愜澤稠

木蘭迴蹕駐避暑山莊之作

木蘭修獮薄言迴小駐山莊鎬宴開未久秋風催轡去
訝同日影上窻來千層錦樹紅兼綠一道玉溪凝復洄
尋鹿得欣否亦可

園中麋鹿甚多時鎬獲之

為他巖景耐徘徊

澄觀齋

諸峯推萎錦開軒一水潺湲玉映門入畫林泉真恰當
迎人松菊喜猶存尋常物態皆合理妙合天倪欲忘

去聲

言

寶額重瞻惠迪吉

聖人明示此探源

齊內有
又是處

據山莊

皇祖題

額惠迪吉三字
水上流故未句及

之

賣菊翁

偶翻閱舊集有此作嫌不愜意口占二首

東籬帶露摘金英却為蠅頭貨市城風月一肩付誰得

定知人不是泉明

右朝之

金
卷八十一
擔頭冷韻蔚瓊英風雨重陽正滿城此老白衣隔溪過

亦安知不遇淵明

右許之

阿克蘇城回衆投降詩以紀事

回衆築城居取之原屬易庫車其東戶防守所特備徒

以將無能久困致自棄先是已兩勝

方逆
官兵一殲之於托

和爾再殲之於鄂根河逆黨斃者五
六十人賊勢大感唾手可就擒獲

兵威亦云熾雜種

况夙怯失城更恇悖是宜鼓衆前先聲圖成事而何待

益兵稍進復停轡

逆
進
勒
藉
口
需
北
惠
兵
至
將
前
忽
却
屢

失事會 割穀資兵糧前途穀滿地不過藉口食遂其遷延

計夷考回所據大城原有四曰葉爾奇木哈什哈爾暨

阿克蘇烏什其餘率小類阿克蘇今歸實斷其左臂故

緣彼城中伯克乃新置霍集占心腹霍集占既歸舊部各城皆置其心腹

以為脇制比聞大兵將至阿克蘇回衆即協力與逆酋拒戰逐其所置伯克獻城請降強從非衆

意今聞被創敗倒戈更相拒叶戕害其用人獻城降遣

使此又宜速赴河上逍遙寘阿克蘇既以城降正可督兵前進諸城可傳檄而定

雅爾哈善乃以禾稼在地欲為坐食株守是謂棄之計豈前途獻地相踵轉慮貲糧不給耶

天祐作孽乃由自易帥明憲章

時命將軍北惠星馳往代其軍將雅爾哈善解

京治罪

靖遠佈恩惠殲渠赦脅從敷化逮闇昧劬哉勉運

籌顙若冀

明賜

萬樹園宴布魯特即席得句

鱗集仰流鹿食苹筵開萬樹洽輿情舊藩每看聯新部
夜雨剛欣湊午晴聲教遠通婆夷水恩膏直逮孽多城
敢云揚

烈幸無忝惟益臨深勵守成

河南巡撫胡寶琮奏報豫省秋收豐稔詩以誌慰
獲麥早誌慰顒為望三秋豫土本曠衍苦乏渠與溝
濫潦率致災塵此悉心謀大疏橫直幹引支入榦
流更幸雨暘時泰徐均豐收方伯入章告諒非虛
詞投積歉賴少蘇慶愜舒眉頭復元氣不易莫
亟言徵求

萬樹園賜布魯特人觀燈火

鍾峯正掛玉輪盈

時九月望日夕

合燦煙花愜遠情
卉服毳裳朝

麗正

山莊正門名

逖疏習爽耀光明從來不識燈王法

布魯特本

回部不似蒙古敬黃教

幻裏疑遊迦布城

彼處地名

歲歲山莊行盛典

心殷保泰益屏營

灤陽別墅

夷峻別館羅迴蹕駐灤河望極塞山遠秋深落葉多青
松自天矯黃菊正婆娑將謂詩篇富觸懷復漫哦

入古北口閱提標兵

興州行慶宴來賓攜入京華惠重

去聲申

命布魯特人隨入京行禮

秋

暖樹連關外綠

往歲關外樹葉落盡進關尚見綠樹今秋甚暖關外尚有綠葉故云

源長

水注塞中銀

潮河自塞中發源流入古北口

試看膽就馬前衆都是肝

宵念裏民攬轡便途閱邊備詰戎兼示遠方人

九月廿五日進宮之作

三朝旋蹕略休停

廿二日自木蘭迴蹕至御園

勤政依然式九經

太室修嘗歸紫禁

仙園養

志奉慈寧

時屆孟冬之祭應還宮園居故仍留暢春園將來往

聖母以年高樂問安視朝期均

不誤 婆夷 布魯特地名 鄂畚 哈薩克地名 同文軌岳樂伊綿 二處皆木蘭內

園場地名 更戶庭保泰心惟益乾惕嘻嘻曷敢勵惺惺

烏什城酋長霍集斯伯克攜回衆獻城降詩以紀

事

執渠早是被恩榮 先是達瓦齊自格登窮竄霍集斯伯克奉軍檄設計縛獻錄功褒賞 畏

逼遷隨尚近情 霍集斯伯克與小和卓木均係回目特為所強懾因附和觀釁罪在可宥 識

順料伊將倒戟 嘗與軍機大臣籌畫軍情曾諭及霍集斯伯克有擒獻達瓦齊一節我軍至其

地彼或降順比大兵既近伊果筵款小和卓木 計圖擒縛因為潛覺遁率衆投款軍門 翦凶匪

我願佳兵申明昧雉霜嚴令

庫車之圍逆酋唾手就獲而失律者貽誤因命將軍

兆惠往代就塗次執失律之臣明示顯戮軍威大振

疊見牽羊肉袒迎

天祐人歸建底績越因兢業凜虧盈

孟冬時享

太廟述事

質明徂位展虔思職事天潢式禮儀追遠丕綿一脈
靖遐耆定萬年基不遲廢徹迴瞻廟有肅冠裳列
牙墀

昔厠大宛今布露

去歲哈薩克來朝今年布魯特繼至並以秋獮迴鑾攜入京師適當

冬嘗大典於午
門陪百官迎送
延麻孰匪

祖威貽

崇元觀拈香即事

觀瞻日下屬神臯
葺舊寧煩事
伐礮慶落便中紆
法駕

時孟冬
時享禮成詣御園問
道出西直門適當修觀落成因就便瞻禮

安
崇元疑早會

仙曹金題重燦雲
房複絳節紛朝玉
座高七字聊因識

緣起楔碑乘暇一揮毫

極人何事當
聲夔臯建築居然興
鼓礮

此寺為明瑞曹
化淳所建故俗

名曹公觀

富貴那曾鎮爾輩
喬苗誠未忝其曹
開門已忘去聲

君恩厚督厥偏
誇璫勢高覽古不禁懷
鑒古慎微切切
在含毫

御園初冬

冬孟修

裡孝思舒平明命駕候

興居更因三接懷柔遠

將於御園再宴布魯特命迴部落

聊值萬幾清

暇餘楓葉耐暄紅
間綠菊花過節秀而疎
春園莫漫誇

桃柳悅志由來在集虛

戲題盆菊

常傲春蘭稱後凋金英翠葉自飄蕭
花師剪縛爭新樣那管東籬竟折腰

林屋

激水飛來雪瀑疊峯聳出雲根壺裏絕無塵處窓中小

有天園

堆假山肖西湖汪氏園自窓中見之

抱清樓

迴廊曲折自通幽拾級登臨縱遠眸妙合而凝沖以靜
佳名真副抱清樓

夜雨

五月初五日

秋月雨稀苦久晴變時每為望怲怲作霖忽訝霏通晚
問澤頻教徹五更麥隴固難資佈種為時已遲菜畦猶可藉
敷榮于茅尚豫來年計八政那能刻忘去聲情

御製詩二集卷八十一

欽定四庫全書薈要卷一萬三千四百九

集部

御製詩二集卷八十二

古今體一百十四首

戊寅八

兩江總督尹繼善等奏請南巡却其疏并詩以示

意有序

三江兩浙地擅膏腴十雨五風時逢倍稔省大吏
陳詩之奏抒小民迎蹕之忱在覲岳情殷詎詡一
遊為度而觀河念切寧知再駕云勞顧候人知攬

轡之勤輦畔曾親荒度使者告披幃之績席前如
睹安流亦越明秋臨北庭而講武無陳肆饗集群
后以修文命駕未遑諏辰有待占律雖登豐楙書
年宜過執徐爾時玉琯一陽

金萱七袞長筵肇啟迓

鳳舸於西池

純嘏載申瞻

龍旂於南服將見吳根越角謳歛並愜

慈歡而且嶽色江光清宴同符

聖壽此則鄉皆魚米如釐食貨之經地
勘汙萊無訂河渠之志允叶三巡之令
序聿揚萬國之懽聲披章既下十行未
俞所請諭意并成二什用答羣情

澤國哀鴻久塵心不辭沮洳為親臨
屢咨使節求長策未許司農惜帑金
高下節宣害差減夏秋普熟慰誠深
宜休息耳停巡輦南望猶然惕不禁

無易由言讓水行那餘隙地徧耘耕
勤勞宵旰剔髮計

慙愧黔黎愛戴誠藏矣心中寧待閱遲之歲匝亦須征
慈闈七袞開鴻慶擬達臣民祝嘏情

題洋菊四十四種

有序

律當西顥落璫自擅清華節到東籬溟澥誰傳逸
格諧價初聞估舶國擬衆香簽名尚記甌窰園殊
獨樂於是羅含却席難誇舊宅凡材魯望迴帆欲
遣叢書補注迺訂羣芳別譜因標仙植嘉稱侔色
賦形圖成妃白儷青之外搗詞抽秘句就餐英吸

露之餘從茲素女奇粧都徧三三幽徑奚取封姨
好事護持九九靈辰

金佛座

色黃花心作微綠外抽細莖色白瓣彎環重疊為
蓮座形黃為菊之正色莊嚴妙麗宛若鋪金此海
西菊品之最

色相總清淨天然優鉢曇

出梵經華言菊也

擬將施去聲調御坐

此轉華嚴

絨錦心

淡紫色瓣作卷筒狀花心黃色攢簇成毬間以細
紅絲燦爛如錦

黃華自有瓣何來紫且筒陶潛應不識海西異籬東
綬帶紫

深紫色花心正黃中攢綠點瓣長而密層層相繞
有臨風飄舞之勢

風前裊長莖軒然霞舉意紆紫雖殊途拖金本一致

承露盤

大可尺許淡黃色瓣端歛蹙如玉簪幹極高花開
莖端儼若仙掌

露重金艷候承來珠顆勻却殊漢宮物泣下銅仙人

萬點紅

花心正黃瓣粉紅色細垂如絡線柔而多態微風
觸之輒自搖轉點點錯落可愛

媽紅綴粉英細垂如線絡不似春園花風吹惜搖落

珊瑚枝

黃心藏瓣中花瓣渾赤如鐵網羅珍

海網羅珍物正色霏芳茸石崇鐵如意欲擊笑無從

檀心暈

花心有小瓣裏之不露近心作淡綠色漸暈淡黃
以次深淺至老黃色瓣之大小隨之

淺深暈正黃達外本由內恰如積盛者睥面盎於背

雪蓮臺

花心淡黃瓣純白中含嫩碧層起如臺對之覺寒
香侵袂

白質非豔色一般秀氣鍾設以蓮華擬惟應太華峯

紫雲毬

花深紫瓣密而尖中小瓣層累團結類西京紫繡
毬種而差小

凌寒蕤日精種疑來背明繡毬更何若令人緬西京

密蠟蓮

黃色微分老嫩簇疊如千葉蓮大六七寸許

層層千葉攢其大盈周尺堪方君子花肯共王孫陌

佛手黃

類鶯粟花心作黃金色瓣淡黃卷曲玲瓏狀如佛

手

狀如兜羅綿不啻標十指設欲示迦葉轉恐拈不起

紅繖蓋

紺紅大尺許花心作紅點中碧簇以金黃瓣作偃

蓋亭亭與日華相映

一輪日可賒三徑霜還傲偃蓋稱亦得與松固同操

桂叢紫

徑尺許花瓣歲蕤單層作鱗次心正黃攢簇儼若
金粟大如花之半

侔色擎金粟題品憶甌甕小山芳未歇雅合協塤簾

杏子黃

一名杏黃毬瓣細密圓厚起樓色如檀心暈而深

綠葉皆瓊纈黃花比杏能秋華復秋實真不愧家丞

麝香盃

花心深黃如桂叢紫瓣長而濶作正黃色香最郁
烈大可七八寸形如覆盃

質是球琳質芳為都荔芳滿盃盛寶露豈復異瓊漿
搓粉粧

作淡臘脂色如玉頰暈紅花之最嫵媚者

盛鬢飄闌掃笑靨暈唇脂夜來曉粧就格態相然疑

紫流蘇

紫瓣黃心縷縷紛披如綴瓔珞

歲蕤垂寶綴覲縷紫玉懸女夷作瓔珞惟應獻金仙

卷雲綃

花如玉樓春瓣勢旋轉縈拂作細疊羅紋之狀

詎出鮫人室應成織女機素娥雖耐冷裁作五銖衣

玉井蓮

一名銀佛座大五六寸厚三之二花心正黃似金

佛座而色白

粉畫未聞趙

孟頫

花疏亦漏粧

含

莫驚終寂寞說項有昌

黎

金背紅

蓓蕾正黃開時正赤瓣面赤背黃乍開時紅赤相
間莖不甚高而朶亦差小

藏之不異赤相其宛亦金曰蓮必玉井方許結同心

粉玉環

與卷雲綃相似而差小色淺素瓣勢皆內擲累累
如環然

連城擬趙玉終古並春蘭祇恨餐英往君王未賜環

碧霞剪

瓣尖削如紅綃剪成花心圓整黃中暈碧色與他
種特異葉圓而小

月魄和霜伴霞衣稱體裁佩蘭徒釀酒故識非仙材

荔枝臺

花瓣二層作赤黃色花心凸起圓如彈丸中淡綠
由深黃通淺徑寸許厚如之宛然江家綠也

品入戴氏禮格擬陳家奇翻遍君謨譜如何此偶遺

鶴翎素

粉紅色瓣長而微曲大可六七寸披拂踴躍有鶴
髦臨風之致

臨風素髦飄颻踴足有致羽客過叢前芝蘭本同契

賽姚黃

大尺許厚半之赭黃色花瓣作數層環抱糾結乃
絕不類菊置之洛陽譜中庶幾彷彿

赭色如琥珀名稱

薛去聲

姚家黃却疑笑鼠姑難共凌秋霜

月露團

形色俱似繡毬花黃心數點隱瓣間瓣稍圓正視
之若純白月色花光不可以色相求之

月光依素團露氣霏芳蕊香色有無中絕勝春園李

簇銀針

花心淡黃瓣長二寸許純白色銀毫細簇花狀獨異

饒有冰雪姿略無錦綺縟性與磁石同銀針此非曲

海紅蓮

黃心密綴如毬近心皆作小瓣外卷筒稠疊瓣末稍大嫣紅茜白比之朝日芙蓉形色俱肖

團毬簇稠疊卷筒舒蓓蕾韎韐殊絕然原出大紅海

猜牙盤

花心正黃瓣卷筒牙色微紅末淡黃如擲圈徑圓
勻狀欲承露一名七寶盤

霍靡凌金颺丰茸香晚節便擬象牙為還免雷驚裂

奪錦標

菊之類紅者特少此作正赤色俗傳狀元紅殆不
及也

花赤擢柯青清標出衆亭恰如盧子發及第寄江寧

紫霞觴

狀與碧霞剪相類而色微紫大亦過之

玼萼揚芳永珉枝作態斜瀼瀼承沆瀣真是泛流霞

蝶翅叢

花色純白起樓瓣銳下而圓上粉痕微縐栩栩如

蝶翅

蛤粉色初勻翩翾展輕翅春駒叢裏過乍難辨同異

臘脂帶

花大尺許黃心中簇紅點小瓣十數繚繞其間邊

四垂稍重如結綬

匪垂帶則餘體物風人致雖循瞻脂名而殊嫵媛氣

金玉相

花心作黃金色瓣淨白如玉光質交映有類追琢
綻蕊定秋金舒英更夜玉小窻几研間足當葩經讀

青玉案

花心正藍類點翠瓣色白末作微紅於諸菊中此
別饒幽韻

菴藹翠雲布猗那晞曜明摘毫得綺句見說有張衡

勝芙蓉

狀似木芙蓉而芊萋過之花心淡黃色如絳錦雜
糝瓣長而濶大可七八寸

拒霜亦耐秋自謂具貞性請君看此花乃可定負勝
鏤瓊盃

瓣各長二三寸抽管作白色漸暈粉紅疎密有條
理狀若雕鏤

擬形惟間罽稱質以琳瑯如云浮大白雅合勸柴桑

玉燕翎

瓣細似簇銀針隱以褪紅色望之儼玉剪翻風差
池其羽

素穎高還下銀蕤整復斜乍疑春雨後玉剪掠梨花
鶴頭丹

黃心五出似桂叢紫瓣赤如丹砂顆細莖長葉一
名赤臘脂

金方口月
卷八十二
玫瑰映日紅獨立韻金風比似胎仙頂翩翹度亦同

秋水霞

一名朝陽素花心淺白漸露微黃瓣作淡紅色如水色霞光在掩映間

落霞為氣韻秋水是精神若在滕王閣應逢腹藁人
顫紅翹

花徑尺黃心綠暈瓣卷筒初為粉紅色漸作紺紫
瓊瑛櫛比如聚釵然

儀鳳將呈瑞舞鸞亦致榮雲翹如掠鬢合付董雙成

縷金葵

花心正黃瓣微淡垂如金縷與向日葵同色

綠葉扶黃花品格如衛足向日心不無附炎志所惡

晚酣霜

小黃心花紅如霜後木奴秋容欲醉

屈平早成詞羅含還有宅晚節正酣霜團團洞庭色

舞絳絲

似萬點紅瓣疎而細長不風自動裊裊遊絲菊中
異品也

裊裊復脩脩遊絲萬點柔出奇雖別致一例總禁秋
將之盤山駐蹕湯泉行宮作

右部哈薩克歸化侍衛挈其首領將至故往田盤
令彼覲謁欲因携以行園並至南苑大閱示我國
家耿光大烈非為一已之豫遊實繫萬年之式度
問

安啓蹕卓午駐旌聊詠七言用誌初頓

耆定伊犁車甲竅嶠山左右惠同叨扈行俾識朝家制
大閱兼陳士氣豪垂拱待參詎非逸覲揚永勗敢辭勞
問

安啓蹕初程近興引烟宮一染毫

晚陰

同雲過午散傍晚復濃陰耐可寒郊景那無望雪心影
藏凍雀屢聲靜夕鴉林滿擬明朝路玉田埋麥鉞

曉行

問夜無端到曉晴輕輿遵路破寒行甫田失望均鋪玉
只染遙峯一幪成

怪底輕裘尚覺寒北山積素矗雲端因之為去聲憶玉關
外佇待郵函報捷者

接踵雖頻覲蕃部繫頸平聲有待獻徇渠衝寒僕役休嗟
爾討逆官軍更厪予

自西峪取路登田盤至雙峯寺小憩

西峪曾一涉雙峯向頽廢施檀為重葺勒壁詩以記茲
來取路便駐馬試小憩如來只如如何曾今昔異興廢
及往來芥懣奚由置巖瞰三古日窓納千巒翠策騎導
前塗風鈴送行轡

法藏寺

路轉又殊勝精藍棲碧岑定光遙在望法藏此先臨山
色皈真境禽聲出慧林盤龍松識我蒼翠滿庭陰

登定光塔作歌

詰旦登輿纔辨山迎人山色眉宇間過辰傍午至西峪
猶隔千巖與萬壑體大物博固如是佛宇詎許人輕攀
由來登峯須造極中道畫者奚足言崎嶇仄徑既歷盡
我馬素慣了覺閒近塔益窄不可馬何妨拾級履屨顏
徐無絕頂竟足底朔南形勝一覽全法華塔喻非我事
祇覺憂民之念饒於前

雲罩寺

跋馬盤雲磴石林謾天風高處不勝寒颯景况臨冬我

忽憶萬里官軍奏膚功
勃律雖稱臣
堅昆待誅克
傳蹕
歸山莊
佇覽達郵筒

駐蹕靜寄山莊

盤下層椒曠覽紆仙莊
靜寄稱停居翠濃
松栢開雲障
玉削峯巒出
紫蕖寒景宜人裁
去聲冬孟山容別
我又年
餘起吟應是此間
最蘊藉為佳
姑且徐

得概軒

迴榭全延勝
明窓復向陽
山禽不礙冷
古樹只饒蒼
薊

野曠以遠民情耕與桑誰云曾得概惟是此難詳

朶山亭

調御手中荷不凋青色摩兒孫視華頂十丈此猶多

半天樓小坐

山樓號半天層構據崖巔極目誠曠矣騁懷亦與然信
堪供攬景非欲事求仙舊詠聯新什自成今昔年

泠然閣

虛齋映日常含暖古樹無風亦有聲置此高懷一晌去

竭來仍是昔年情

雲林石室

披雲出蒼林倚石得靜室巖葩收藻縟澗葉皈寥謐虛
牖隨所受會心在貞一六如真僧參肥遯幽人吉我自
皇皇者敢忘所無逸

雨花室

盤谷無風向暖暉翠紅不著任紛飛女夷天女都奚藉
箇是壺公靜者機

題讀畫樓

山樓一幃窗橫嵐靄朝夕常更誰謂倪黃畫意都成李
杜詩情

受宜居

林深復石巖書屋可棲遲萬物備於我四時受所宜怡
情惟翰墨謀耳足金絲小坐夕陽落分陰惜在茲

夕

山深易為夕冬孟日落早籟聲細古樹簷響紛歸鳥須

史總寂然寒靄諸峯表片刺間亦佳一室清未了忽繾
萬里軍清閒豈吾道

降旨分別緩徵徐泗等處積欠詩以紀事

大課䟽排始逋災惟厘田尚有汙萊登秋合是今年賦
積欠難教衆力擡政拙催科爾休矣心勞撫字我同哉
義經損益頻觀象留一分餘元氣培

婉孌草堂作

窗引瀑垂紳戶栽松作鱗寒山是本色絕代有佳人杜用

甫何異李郭對見董其昌婉雅宜翰墨親遙帷寒趣暖

冬景閒歸真

題董其昌婉孌草堂圖

婉孌堂懸婉孌圖印來親切了無殊好山總被思翁占

合與田疇結友于

遊古中盤作

萬芙蓉裏聳祇園石護松籠宛識門上界遙省下界近
入山寒峭到山暄雖殊韓愈文章論那藉道宗公案翻

七字促成鳴轡去
崇情不盡箇中存

少林寺

少林纔隔嶺宛轉足千盤
冰筋垂流細松濤翻響寒
禪枝延慧日色界作空觀
既曰應如是何生法喜歡

上方寺

縈紆石棧彈鞭遲迴薄
竒觀發藻思每到精廬必少坐
半因憩衆半因詩

東竺菴

上方瞻定光猶在千峯頂非關遊興闌大畧前朝領東
竺縱稍紆槃阿有佳景曲折過幾障遂造真如境得逸
身忘勞雖暫意為永何必論今昔省取風旛影

千尺雪題句

園門設瞭甲茶舍石墻邊常俯瀑如雪少言尺有千遊
山歸適可樂水此于焉設以琴音擬吾將理化絃

唐寅品茶圖

可笑瑯琊不識茶酪奴將謂勝龍芽六如解事留真蹟

一再拈吟興致嘉

貯清書屋

造物無盡藏仙區北處多義皇存古貌峭蒨與天摩松
色泉音裏春風秋月過自然詮易趣不必問田何

含遠樓

小閣三間迴且幽坐來暢好縱遙眸盤中盤阻無遺覽
安得人如李愿流

遊天成寺作歌

兩峯豁開一線天上籠劫外古松下臨冰裏之飛泉詭
石磴硤礧乃難為名狀經如是者千谿萬壑琳宮忽
湧青雲巔我到天成亦已屢率訝覩見無不生歡喜因
悟過去未來現在實皆弗可得調御嘿然說如是而已
西甘澗

三間老屋倚嶙峋有水潺湲有石磷獨惜飲甘樂饑者
率為方外比丘人

東甘澗

甘澗過西復到東山樓小坐韻松風大都幾折山蹊耳
變態烟雲迥不同

望萬松寺未至

青雲羅落化人居知有奇峯罨碧疏我馬已勞不到可
由來興亦欲留餘

再登半天樓

遊山趣幾間四刻未為久園門臨瞭甲取便每從走門
內即石泉過泉復岡阜是為西北障延緣達巔叢巖樓

乃構茲肩輿喜不陡虛窓向遠開翰席清憩偶向來所
躋攀歷歷座中受靜者動之機勞亦逸之母誰能忘筌
蹄可與言空有

石林精舍

逕尋紫芝朶舍在碧瑤叢狹矣忽然豁奧如無不通寫
應付倪瓚住合是韓終詩就頻宣示中涓億遞筒

漫題

向駐田盤五日常今來三日促歸裝山靈訝似雲深語

去聲
靜寄主人何太忙

池上居

疊石為碕岸貯水一泓泌居然成池塘池上雲房置春
風下鷗鳬秋月出荷芰今來值冬孟潦盡露乾地信乏
烟波態奚礙滄浪意

對瀑

貯水成方池池乃冬前涸引泉作飛瀑瀑自冰中落映
窓垂玉紳羃巖展珠箔清聽愜靜眺繁會入蕭寞無數

此欣憑有源別興託

引勝軒

山水最勝處開軒復引勝一二而一動定靜亦定如
張生色畫對以無心鏡便宜鏡中人領取水光暎

右部哈薩克及塔什罕城回人布魯特部首領胥
來覲謁恰至山莊曲宴示恩點筆成什

罷爭歸化信堪嘉

詩見前

舉踵延頸

平聲

豈計遐

左部哈薩克距京師

萬里而羸至右部所居迤西去左部尤遠據云久懷歸
化之心以被準噶爾所隔今始遂本願塔什罕布魯特

皆其毗連
遠部也

向日心殷身忘倦

侍衛攜之乘傳而來日行三百里歷兩月之久方到

皆不言勞且懽忻踊躍稱真從日入處得到日出處也

敷天無外總為家詎期蔥

嶺殊言侶也厠田盤曲宴加南苑紆臨俾扈駕視前來

者肯教差

先是哈薩克布魯特來朝俱令扈從木蘭行園今時當仲冬大閱因於盤山覬謁之次道

便携赴南苑俾得預觀講武以均恩禮

輸忱乘傳走陪臣萬里餘程日六旬賜食山莊禮粗習

隨園海子惠重申獻芹乃解歸俾黨賚幣何妨不受人

阿睦爾撒納之姪伊什扎布先為我兵所俘旋脫奔哈薩克又轉售於塔什罕城皆未知其為逆酋族屬也侍

衛蒙古爾岱到彼識之告以其故遂縛來以獻與人同至念其年幼無知且非逆苗嫡子孫比因嘉回人執送畏懷懇誠特賜以幣並勅釋還之自是開門胥識義應教漏網共懷

仁

烟郊行宮晚坐

惠遐南苑事經臨路便居停夕景侵壁什春巡剛瞥眼
行雲流水兩無心

南苑行圍禱詠

盤谷迴鑾携貴山栢冬苑景益蕭閒先來大獮均曾預

上年左部哈薩克及今秋布魯特赴覲木蘭皆得隨獵
今右部哈薩克等繼至携赴南苑閱武錫宴乘便行圍
亦令其隨
列預觀
小狩應教視此間

草枯廣甸馬蹄輕疊中非誇技擅精驚喜從他遠方訝
歡呼驗我衆人情

踈蕪淡靄接寒林勒馬凝思亦偶吟二十年前習獵我
原無爾許創垂心

賜哈薩克布魯特等宴即席得句

烏孫掃淨玉門開受號爭先肯後哉獻馬不須金馬去

右宛今效左宛來踵前布露相伯仲

布魯特東西二部均於今秋覲謁而

回茲西部最遠者與哈薩克同至

罷戰康居總厠陪

塔什罕城回人先與哈薩克相爭今

修好同來入覲

誰道蒲萄經歲久三巡早各醉芳醕

仲冬南苑大閱紀事

廿年一舉寧為數

乾隆己未大閱至今蓋廿年矣

周禮分明節候論便

設軍容示西域

時哈薩克布魯特塔什罕回人等皆令預觀

佇看露布靖堅

昆

通日盼將軍北惠喜音殊切於懷

好齊以暇千旃颭既正還奇萬礮

喧風日晴和士挾纊非予恩也總

天恩

南苑賜哈薩克布魯特塔什罕回人等觀烟火燈

詞

款關定竿復存卬慶典頻繁舉仲冬為耀光明逮疏狹
先陳曼衍引魚龍

燈火城南六十春

康熙二三十年間元宵蓋曾在南苑陳烟火後以建暢春園率於彼度節

不復在此觀燈者六十餘年矣

重觀因賚遠來人村民遙近扶携至不

禁金吾例可循

百道流虹貝闕朝光明彷彿上元宵田蠶事例雖云早已盼霏空六出飄

後先接踵共來尊難學蕭王閉玉門爆響連珠成捷報

便期早晚定堅昆

時我師方圍葉爾奇木城日夜望捷音之至

風定時暄夜正長上弦魄影已騰光

時十一月十五日

周家建

子原正月想是嫦娥也為聲忙

鱗集應教一視同避寒燈火夜深烘高張黃幕三巡罷

訝似清涼萬樹中

山莊三十六景內無暑清涼後即萬樹園過年觀燈火宴遠蕃之處

翠火明燈玉樹攢化城蜃閣絳雲端元宵預借休相擬
惠遠寧為好樂觀

萬幕高竿揭野燈半輪真是一條冰肩輿宴罷還行館
惕夕因心畏益增

王蒙泉聲松韻圖

松如問道誰為侶泉似答言可作朋我昨田盤一遊目
於斯每覺得相應

淑清院

地是勝朝地名傳昭代名

淑清

院本康熙年間
皇祖所命名也

假山如

太古活水似橫庚愛聽禽音淑閒看花氣清玩辭知取
義仰見

聖人情

劉度仿范寬雪景

玉巘朱樓聳古林靈源不凍落雲深善傳北宋雄渾法
益引三冬渴望心

栢林寺拈香

柏林古刹炳長安歲久椽題惜廢殘況是近鄰

躍龍邱特教重煥散花壇綵衣隨喜思依

怙

壹祀延釐合施

去聲

檀佛法故當忘

平聲

一切於斯云忘

去聲

我誠難

黃鼎溪山行旅

溪路山程繚且紆青帘野店有招呼如斯行旅猶稱苦

萬里從軍可忘乎

時官軍征勦逆
至

我軍

我軍取烏什酋長款復獻

阿奇穆霍集斯伯克阿奇穆伯克者回語大頭目霍集斯

其名也元戎乘良機率衆直前進其奈隆冬時枯草經蹂

躡以此馬不肥奚堪供斫陣况臨彼巢穴螳臂孤注奮

借一誘我軍萬騎逞驅赴我師纔千餘鼓勇無退寸橋

圯度四百忠義人爭勸殺賊至千餘矢盡接短刃涉淖

退保營相持城下頓

十月六日我師直薄葉爾奇木城賊緣邊畫溝立隊自固我師以少

擊衆所向披靡三戰殲獲甚夥賊擁竄入城不出將軍兆惠以賊游牧在城南英義奇盤山計東虛襲賊輜重

制賊十三日取道城東渡河未及半而橋圯我師過河者纔四百騎遇賊馬步萬餘張左右翼來戰而地皆沮如人馬不能如志且戰且踰河退保大營雖遇挫衄而人知効命殺賊千餘我四百人中纔傷一百時營中餘二月餘糧高壘深壕以待集師協勦

壯士遴七人星馳兩致信

將軍遣索倫侍衛五

十保等兩次賈勇突出遇賊衆遮道者戮之齎奏達阿克蘇城時參贊大臣舒赫德駐守因令五十保馳驛迎趣援師且直抵京城面奏軍營情事俟師齊即率以赴援

舒赫德留守諸回靜以鎮

羽檄催後師繼進期颺迅畢齊阿克蘇赴援雪深恨夷
考兵興來曾無遭挫衄此番客主殊不幸致事債兆惠
稱輕敵請罪誠不吝此非退縮比誰逆料利鈍終能寡

勝衆允由効忠蓋奚忍更加罪褒嘉章服晉諸臣諸軍

士行賞以功論

命兆惠由伯爵晉封武毅謀勇一等公加賜寶石帽頂四團龍補服餘大臣并

兵等封賞優敘有差

晝夜促後軍直前金鼓振欲藉士敵愾

今夏特命

派索倫察哈爾健銳營及陝甘綠旗兵繼進已過關展而將軍富德參贊大臣舒赫德等聞此信各羽檄催進其領軍大臣侍衛等無不切齒逆獮寢皮食肉人人同恨計十二月中可至葉爾奇木

仰冀

天助順捷音共春來平回鴻績建

題王淵三白獻瑞圖

石傍芍藥不須欄素質全勝湖纈丹

出花譜

栩栩采香來

粉翅嘒嘒顧影刷銀翰愛他名寓祥花卜屬我望殷瑞
葉攢忖度人心故應爾寧當一例畫家看

冬至

南郊述事

金鳳占風來廣漠鴻龍轉律啓韶陽六宗依

典修元祀一意惟欽對

吳蒼澤國幸邀

賜豐稔

今年豫東江南各屬以水利工竣咸獲豐稔

頑徇更冀靖狂猖背恩

戕使先開釁

逆自大小兩和卓木為厄魯特拘繫有年矣

狼子野心竟致反噬戕我副都統阿敏道釁由逆啓申討非得已也

曲直間惟

帝鑒詳

陸治寒梅夜月即用其韻

誰知雪裏香却是月中影江上倚黃昏冰心不覺冷

苦衷

苦衷曾已賦西師孰謂頑狃尚守持當俎刀操終必割
在弦矢發可容遲獨慙

天與人歸會竟致窮兵黷武嗤師直理長觀事定目前
浮論付憑伊

王淵摹黃筌竹雀圖


露卉烟筠有態山禽秋蝶無名前人圖畫一做大塊文
章自成

除夕

璣衡臨宿歲簫鼓又迎年大吉圖金薄宜春換綵箋詩
重詠貞觀心遠憶于闐佇共東風裏三軍奏凱旋



御製詩二集卷八十二



總校官庶吉士臣侍朝

校對官中書臣馮培

騰錄監生臣張駿

欽定四庫全書薈要

集部

御製詩二集卷八十三

四

詳校官原任編修臣徐立綱



欽定四庫全書薈要卷一萬三千四百十

集部

御製詩二集卷八十三

古今體九十四首

己卯一

己卯元旦

 網緼天地三靈協發起陰陽萬物融星德喜羸滋百長

木行從正建時功南邦水土平成慶西極車書拜舞同

回目霍集斯伯克之子 勤政歲朝逢己歲益欽理紀省

漠咱吧爾預元正朝賀

微躬

元旦試筆

祥啟屠維冒茆駢青陽一律遍三千歲開

天紀欣迎祚月建王正勵體乾磬管韶英宣太簇衣冠

駕鷺鴈于闐

時賜漢咱妃爾公品級冠服

諸軍昨報平安信實沐

恩禧意倍虔

將軍兆惠等與賊相持昨據舒赫德奏報降回至阿克蘇者言我軍中有一厄魯

特逃出至狃軍稱我營內掘地得回人埋糧百餘窖且布魯特又侵彼喀什哈爾城以此兩和卓未欲議和而

我將軍不允此際舒赫德已領兵進援計日可到餘糧之獲實賴天佑也

爆竹千門達曙鳴鞠陵初旭耀晨明土爰稼穡資豐稔

木盛春陽肇發生南北東西共文軌京垓億兆願康平
金川耆定溯前已平定金川乃已年今歲又逢已實幸理紀之符願遂武成之慶佇叶
貞符聽凱聲

帝青石佛鉢詩用皮日休韻

皮日休開元寺佛鉢詩序舉法顯傳以為據今開
元寺雖有其鉢而非帝青石也徒以皮序有佛像
見於外之言乃刻佛像於外以附會其說向曾辨
其謬矣近因蕩平準噶爾於其部落得佛鉢一則

真帝青石也質古而色潤其為調御所持無疑蓋
昔年準夷掠西藏所得與法顯傳所云若干百年
當復來中國之語適相符合既愜法緣之喜因賡
襲美之章

豈藉雕鏤七佛姿天王獻此敬擎持

見佛律

舍婆城受嚩

拏日化樂宮餐烏哺時托去不教諸慮染置來惟許四
禪知波旬國土寧應有飄至祥風法雨吹

新正重華宮侍

皇太后宴

毓德當年處

上聲

大安此日扶奉時欣引達養

志冀怡愉仙木雲成慶春屏勝作符

慈寧千萬壽祥肇歲朝圖

重華宮曲宴于闐回長漠咱帔爾

朝天兼值預朝正曲宴宜教沐寵榮爾父誠為識時務

漠咱帔爾之父霍集斯伯克先以縛獻達瓦齊得邀獎
賚比大兵討回部復自烏什赴阿克蘇投將軍兆惠軍

營隨征自効而
遺其子入覲

王臣詎有限裨瀛

是日御前行走蒙古
青海諸王公皆在座

舊宮小會輕齊史
新城來賓願武成
入律東風方湊達
春臺樂與物咸亨

邊文進栗喜圖

栗喜立報喜寓意真可人
捷音我殷佇擬即聞新春

詠古銅章

金薤珍千載傳真印
統詳穆然見古昔
煥若備文章抑
埴久藏用配藜
恒蔚光數來剛
廿八允叶麗天祥

賜浙閩總督楊應琚

岱甸烏臺建銅丘幕府開節移閩海要人喜福星來三世封疆寄平生經濟材予心深所託元氣貴栽培

唐寅折梅仕女即用其韻

溫嶠寧容下鏡臺折梅花向臉邊開玉人近遠家何處羽帔應從姑射來

大宛馬歌

今之哈薩昔大宛

哈薩克雖三字急呼薩克則為嶠山一音蓋本兩字漢字析而為三

神種古所傳烏孫中閼阻聲教

向為準噶爾所隔不通中國

攘為已

有曾貢閑

準噶爾台吉噶爾丹策凌時屢貢哈薩克馬曾有詩

不仁之守再世斬

伊犁萬里拓幅員哈薩布魯

布魯特字從上亦急呼成二字

胥向化無

他為賁致敬虔騷裹汗血實方物左右部長及可汗遣

其首領遠來獻却之失望厚賚還駘馱騶騶類實夥匍

匐牽跪陳墀前為龍為駉各天矯雄姿逸態英且閒流

珠斂玉誰則見奔霄追電有必然往者貳師求善種徒

勞數萬惡少年致一二耳猶艷詡奚稱歸德開遠門闢

疆勤遠非本意人歸天與寧可捐人歸天與寧可捐作
歌自警示後昆

錢穀春山圖

園中松竹自扶疎園外春光已老如不出戶庭非嬾置
一心含蘊覺無餘

降旨免陝甘兩省正供並積欠詩以紀事

西海有征師卒未得息事屈指軍興來屆今凡四歲準
夷則蕩平逆獮尚稽繫國威屬觀瞻欲罷焉能置厚集

我軍容益勵我士志乘春期一舉永靖遐荒謚叶肅涼
近接邊輓運最勞勩連年免正供預豁庚辰逮復思陝
連甘豈無所波及叶體察將並寬降旨付連帥其餘雜
欠項概免大施惠肯因討小醜而傷我元氣申命良有
司推行俾均被

新正瀛臺小宴御前藩王大臣及漠咱杞爾

運斗屠維單闕迴順時行慶合瀛臺千羣尚可冰嬉試
三接都教春宴陪屏翰何妨廁蔥嶺歡娛齊說到雲來

鵠場晴靄因觀射

是日發十五矢中十三蓋外夷雖宜宴費厚惠尤當示之以射獵之事彼

更樂亦畏服

示遠寧徒好樂哉

新正瀛臺即景

携觀惠示遠來人取便蓬壺一攬巡
延賞樓臺皆恰當
向陽景物又從新
湖山故是神仙地
松竹那論已卯春
慶節皇州簫鼓鬧
愧稱身先去聲俾還淳

素尚齋

撲斲冠

去聲

崢嶸雲窓幽且明
琴書無不備
几研有餘清

春夏秋冬景飛潛動植情於斯設絜矩吾獨取匡衡

匡衡

有云治天下者
審所尚而已

坐水林至瓊華島

宴賚有餘暇瓊華欲陟臨不殊渡湖面直可步波心
輓徐依岸嵯峨近出林六花希過臘即景望春陰

漪瀾堂

春水未泮湖春氣已昭蘇仙木吉祥御

音迺

綺屏瑞靄扶

獲金不殊地浮玉宛成圖

是處室宇肖金山行宮為之

比似新豐市

胡寬底藉乎

題鄒一桂畫

桃柳

搖金影裏剪輕霞
蕩漾東風清且嘉
恰似西湖隄那畔
望中知是姓蘇家

荷花

新蓮照態碧波清
出葉茨菰縱復橫
不盡張潮詩外意
寫將畫裏有餘情

菊

底須泉上不籬東
瀟灑延年晚照中
位置雅宜文石側
介如風味本相同

蠟梅水仙

春前臘後傳消息
雅蒜天葱結友于
訝是維摩霏雨室
色香雖異淨無殊

方竹杖

綠林何處覓檀欒
堅實曾聞出大宛

見翰苑叢話

方鎮猶然

問無恙網維不藉報平安琅玕七尺自千古風月雙清
總一竿高節美哉方正善渭川欲效此君難

題玉鏤鴛鴦屏

以玉為鴛鴦玩器者古所常有檢內府所存集得
九對或分或合或大或小而各從其匹都不相離
命刻木為睡蓮仰葉以居之如霍園故事名曰玉
鏤鴛鴦屏而係以詩

質是曾潛璞形如宛在梁底須七十二真叶肅雍祥詩

昔稱崔瑗池今見霍光冢
雙玉合佳社兆安康

題趙昌茄實小幅

綠葉青莖綴紫茄傳來嘉種

上聲

自暹羅蔡樽郡井誠不

飲安得齋前種

去聲

許多

按南史蔡樽為吳興太守不飲郡井齋前自種白莧紫茄以為

餌夫不飲郡井誰為水遞豈不渴死而種茄亦必須汲井灌溉也紀載乖謬大都如此

己卯春帖子

氣轉人正律節迴冒茆春

慈寧開寶扇獻

壽喜芳辰

勃律天西已貢琛
獨餘雜種背恩深
三軍氣與陽和鼓
佇共春來報捷音

郭熙早春圖

樹纔發葉溪開凍
樓閣仙居最上層
不藉柳桃閒點綴
春山早見氣如蒸

人日立春

東郊今日展春旗
來復成人百事宜
北采西鷄無異候

盧仝蘇軾有佳詞勝徵寶帖圖金薄生意瓊盤飮菜絲
已歲節還逢瑞已冀符理紀捷音馳

詣齋宮作

祈年

首祚迓青陽歲歲躬勤敢弗覆預為三農額手慶穀朝
幸喜值金穰

龍輅鸞旗出禁中
召堯

碧殿翠雲籠莫愆式禮紓誠念誠念仍維

帝降衷

窓櫺旭影驗居

支韻

諸肅靜齋宮預宿居穀日晴和占縱

美望雲却是過三餘

祈穀禮成述事

元辰涓選協休成

嘉祀躬承敬以行

侑食同壇欽陟配

居歆在上仰昭明方興東作希霑雪保定西陲願洗兵

卯歲祈年逢卯日祥徵滋茂

福蒼生

唐寅竹窓高隱圖

友竹寄高情竹清人更清
逕開如蔣詡簾下似君平
雨裏蕭疎趣風前颯沓聲
懶翻高士傳為彼尚存名

偶仿董其昌天池石壁圖漫題以句並用其韻

展幘真饒氣韻涉筆偶值幾閒誰謂一叅黃石

其昌以黃公望

天池石壁圖所見多贗本及榮節吳山下狂叫黃石公謂如遇吾師也

居然重歷吳山

題倚虹堂

橋畔堂成辛未年

辛未年為河乘水牀至高梁橋易輦進宮故建

聖母六旬大慶自長

堂於是

大安登輦慶敷天崇基已見祥貽永

盛典行將舉繼前來往每因裁詠什

西直門為御園必經之路來往觀農

率有詩勒於壁間

雨暘惟是厯農田虹光銀渚一彎映春色皇

州萬禩綿

新正恭奉

皇太后幸圓明園憑輿即景得句

上苑欣扶

鳳輦臨順時行慶奉

徽音祭迴昨適飄輕霰蹕啟雲重布密陰細糝寒村微

冪歷

是日復微雪

低依遠岫漸深沉信乎猶未徘徊望越是

難堪此際心

憚壽平梅花書屋

千枝香雪畱

去聲

風春傍水依山總靜真記得韜光寺西

畔也曾一作畫中人

新正御園即目四首

青陽奏達氣融和
幾點瓊英綴古柯
寶扇書聯迓新社
大都祈歲意居多

綵綴華鐙拂網軒
攝提協紀驗銅渾
雲容邇日頻生岫
欲與人間助上元

開韶池館恰清佳
火樹星橋依例排
詎是無端尋宴賞
千春燕喜奉

思齋

林致山光意氣投
幾餘義府且優游
瑞霽時灑時還止
暢好元宵度得不

含經堂

開韶遲漏箭嫩日戀窓紗
墨雨霑書草硯田茁筆花
古
今垂炯鑒枕藉寄生涯
晰理難窮奧遣詞寧貴葩

澤蘭堂

翡翠蘭苕琳渚旁
斯干擇向構書堂
依然濠濮會心處

邈爾澧沅稱物芳
侈蹟非關學漢苑
別名祇合號都梁
摘毫擬欲因成賦
却愧文通五色章

戲詠唐花

難煢嫋嫋萬芳新
巧奪天工火迫春
設使言行信臣傳
憐他失業賣花人

月

魚鱗傍晚晴寶月
絳霄清歲序又更始
魄匡欲就盈樓
饒放燈好座映擘牋
明豈不欣春景其如望雪情

題王蒙隱居圖即用其韻

長林復大壑天與碩人居
考澗心無悶枕流意亦舒
松陰真是蓋鶴跡自成書
却笑東門餞人人識二疏

新正曲宴外藩

外藩俱屬百年臣
新有西方向化人
時漢咱帖爾亦令預宴
肅肅

彬彬遵禮法彤彤洩洩樂和闐
瑞雲時點霏微雪嘉夜
先占美滿春却為三冬待

恩久敢稱怡慰益顒寅

詠黑玉鏡

內藏沉埋久中人弗識之那知黑可鏡

出潜確類書

惟貴白

如脂名玖誠無價能形詎有私葆光遇真鑑荀語塵深思

題倪瓚西園圖

溪山迴薄無盡楓柏蕭森有姿只擬茅亭那畔畸人彷彿逢之

新春萬壽山

燈夕猶賒五日閒良遊偶值萬幾閒樓臺又是新春景
詩句那饒太古山瀟灑暫還慚獨樂徜徉頃亦憶民艱
雲容靉靄將敷澤渴望難紓懶陟攀

道存齋

智水仁山理趣源真教目擊道猶存亦知致用應先靜
獨是臨機未忘言

清音山館

地籟悠然天籟閒虛軒如翼冠屨顏魯山詩趣分明是

不在烟波縹緲間

含新亭

攬結有餘興
步屨尋幽峭
古木蔭團圞
笠虛受宜遐
眺
昆明想波光
萬壽呈山貌
地媪雖藏富
醞釀動神竅
萬物都含新
一亭先契妙

惠山園

溪聲咽乳溜
逕趣掠眉峰
草木含韶氣
湖山無俗容
得佳如畫讀
契妙以詩供
遙想九龍畔
春雲正蔚濃

題錢選桃枝松鼠卷

綏山果熟蹕枝嘗五技何妨用所長自是託身遠穹窒
不須老吏畏張湯

夜雪

正月十二日

邇日春雲散復凝祥花入夕勢旋增可能如願憂差釋
轉覺延賤悶不勝宣為去聲宜燈還助月幸逢鏤水更栽
冰朝來積地剛餘寸慰與愁兼景懶憑

即事

霏珠積玉寸餘纔
傍曉春雲忽散開
點綴園林固佳矣
潤露畎畝尚需哉
池水無月何妨鏡
苑樹有花都是梅
天意入春頻兆喜
更殷捷報自西來

周玉赤刀

玉德恒溫潤
刀形寓銳剛
已看廉不剋
信是久彌彰
蒸栗標奇色
如虹叶景祥
寧惟珍古物
風俗想成康

文徵明千竿聳翠

萬玉叢看遠岫尖
靈巖早見翠當檐
木涇卜築今誰氏

合是詩宗沈德潛

沈德潛所居木瀆地饒竹樹往年賜詩中嘗及之木涇即木瀆也

聞保定得雪

寸餘積素旋開晴清苑聞霑四寸盈乍喜利田還起懼
得無節奏慰予情

馬遠松泉居士

泉邊松下獨徘徊松籟泉音滿聽哉奴子平頭持古器
識咸應自行沖來

上元前夕小宴親藩即席得句

將圓麝月麗璇霄曲宴欣開近戚招縣徒本支昌奕禩
舒冀二七應今朝赫戲平聲鼇駕千枝燦翕繹鸞簧六律
調此是家庭非殿陛歡情合較禮文饒

上元燈詞

西山積素看微茫未愜優霑實兆祥暢好元宵雖得度
近作望雪詩有暢好元宵度得不之句劬勞農務那能忘

耀古輝今上元夜重熙累洽大清春東皇福與燃燈似
萬億無央錫兆民

都盧碣極各排當傑構延樓對廣場又是新年春好處
太清珠鏡自如常

西漆南油種非一氷花沙戲巧頻增還淳同樂互衡量
難說相應與不應

况是承

歡殷祝

壽更因惠遠示綏和帝城三五從來盛今夕歡娛得聽
他

寶篆書聯徵吉語
朶雲噴樹茁祥花
可知樂未饒憂切
為厯官軍萬里遐

青烟一綫萬雷轟
俗例曾誇礮打城
擬葉爾奇木兆破
捷音早晚達都京

于闐厠座比藩臣
又報貴山來謁頻

時回長漠咱杞爾
預宴而哈薩克汗

阿布賚之姪俄羅斯蘇爾統等三十六人復以赴覲將次至京猶得預觀燈火

檢校龍門西域

傳可如覲面話傳真

題唐寅溪山漁隱圖

或憩溪亭或漾舟竿絲原不為槎頭底須姓氏詢張翰

孟浩然總是人間第一流

上元後夕小宴廷臣

旋轉璿璣刻弗停上元又過落階莫仍看燈火巧留節

例引笙歌款在庭

小宴廷臣例於是日

東粵西川咨政績

時兩廣總督李

侍堯四川總督開泰皆以入覲預宴

久安長治度

入聲

朝經聊循慶典還紫

繫佇聽佳音奏救寧

詠絡緯

有序

宵分三五魄光欲上屏間席布再重蛩韻俄聞座
右蓋暖蒸冬帘昭蘇樂共唐花斯生放春籠揚詠
歡同蟄羽或云流傳勝國宴會常陳遂教沿用百
年煨燠有法假云物禁非時正恐情存立異爰就
曲宴敷衽之會漫成拈題扣鉢之詞顧語諸臣繼
賡斯詠從此訂羸秦之月令不少遺箋且將徵荆
楚之歲時能無續記

翊翊蠅蠅鼓翼鳴秋蟲應節作春聲化資青陸氤氲發

響映銀蟾誅蕩明謹論還因思召父佳詞得未就歐生
熙朝供奉百年例欲罷翻虞近取名

故大學士黃廷桂輓辭

華鎣廣樂正陳時扼掣驚聞辰尾騎

慈慶朝儀難並輟強酬節物淚雙垂

屈指軍興逮五年儲胥事事合機先

凡軍需事宜有經
朕先時規畫而傳

諭批示甘肅尚未奉到者
及郵牘至無不適相脗合

亶惟良弼蒼生福痛惜推心

敢問

天

馬利軍行粟賑民彌留兩事尚諄諄

遺疏內深以調餉馬匹及地方賑卹

諸務籌辦未竟為憾鞠躬盡瘁今誠已葛亮而來此一

人

運籌力疾尚勞心驛館誰為下鵲鍼

時以督辦軍需赴涼州雖抱疴日劇

猶勉力視事邊地素少良醫經布政使蔣炳奏聞即命福隆安挈御醫前往診治甫行而惡耗遽至可勝慟悼

賜賻行將歸故里椒漿寫痛定親臨

封疆歷三十餘年公正廉明衆共傳

皇考時臣所餘幾鼻酸然復思愀然

詠枕椰木文洗

海濱竒種如古散質堅其文復纂纂製洗雅合作清供
有孚未薦思方盥辭林翻以傳不窮大椿建木將無同
為憶輪囷布陰日偃息應是儋州翁

藍瑛畫秋色老梧桐

法傳趙榮祿神是李青蓮更憶梅花石曾逢德壽邊

藍瑛

梅石碑蹟在宋德壽宮故址
辛未南巡時過之其碑尚存

雪

正月十八日

月夕曾無望雪心中宵忽報佈濃陰密霏愷澤繼前澤
不是春霖可作霖曉起園林皆積玉明稱田野遍施金
華鐙燕九餘婪尾巧助風光愜藻襟

或密或疎織未已時陰時霽灑猶連霏空實慶堪占歲
度寸同欣覺勝前蠟紙毡毳蕤蠟鳳冰牀錯落碾冰天
獨予蜀望誠無足益善多多始暢然

燕九日聯句

有序

理紀占年長春協序六出頻霏玉糝試燈積並收
燈一弦縱減冰輪既望明同幾望當十千之吉兆
志喜為宜矧三五之初過聯吟有待因循歲例載
集廷臣韻押疊雙題拈燕九時則黃柑粉荔猶罷
坐以餘香鶴燄蜃膏更侵宵而增色分牋屬句漫
陳汾上之詞即席興懷方佇回中之奏伊昔崑崙
俘獻狄青績著燃鐙淮蔡城摧裴度功成冒雪乃
者陽回青陸捷眄紅旗軍利因糧既火米烝牛之

畢獲人欽奉。責又宛駒闐壁之偕來。庶幾簫鼓競。
千門便聽金鑣叶響。賡颺胥百職還期。朱鷺呈篇。
云爾。

御製傳柑曾未共摘詞節。近收燈雪繼施聯句。應緣不可
闕。

開筵復此未云遲。日邊令序傳燕俗。天際真人憶
鍊師。寒淺乍過挑菜候。

臣傳恒

暖烘未到泮冰時。一

堂佳氣迎春發。萬里和風入座披。無逸久承

天子訓

臣來保

載賡重仰

聖人詩祥光最喜朝霏玉綺語猶思坐咏獅

壬申歲聯句詠雪獅

早見九賓隨

玉輦

臣史貽直

不妨百戲舞

彤墀珠光宛轉之而動瑤琯參差太簇吹火裏花開金

菡萏

臣蔣溥

御製壺中光現碧琉璃城如夜破吳元濟旂盼春寒葉爾

奇擬聽捷音喧爆竹

先看寶帖寫隄廩風行解澤乘春令電掃妖氛淨

塞陲宵度崑崙有襄武

臣劉統勲

春來蓬閣識安期白

雲留觀猶傳古紅杏張燈又覩茲瓊圃紛翻梅吐

萼

臣嵇璜

玉闕迢遞柳添絲陽回大地和均展德布

先天惠不遺溫樹生花供苑令

臣秦蕙田

時田豐玉報

農司西山爽豁蓬婆戍

北闕晴開太液池慶賜遂行歌且舞

臣開泰

御製土膏其動潤而滋瑞霏補散三冬葉火樹重輝七寶

枝佳景正欣同甲戌

甲戌歲亦於燕九日得雪

仙源自昔溯鍾離

道教自東華少君授漢鍾離權傳唐呂岳分為二宗處機為北

宗七真之一

北宗真籙曾登幾東海高風更屬誰弱水

三千凌島嶼

臣董邦達

銖裳十八從虬螭鶴歸遺跡留

華表龍化竒蹤寄葛陂曲譜瑤臺歌宛宛

臣劉綸

琴

收玉振韻猗猗長春樹拂雲千縷太古壇函月半

規丹竈氣蒸虹蜿蜒

臣裴曰修

琅璈節按鳳歲蕤霞棲

迴指樓臺迴雲卧常思蓑笠玻寵錫璽書名不以

臣介
福

御製
席虛庭燎夜何其清
心寡慾是伊說久視
長生非我知惟有祈
年意恒切

更思阜物俗還熙
升馨告潔邀

天貺樂歲銷兵塵

聖思琪樹泛光搖
馭娑

臣觀保

玉塵飛屑上罽毼
三三徑

外山披絮六六橋
邊冰漾漸空際撒鹽
埋馬耳

臣王

際
華折頭收翠隱
我眉銀盃逐騎分
凹凸繡刻交畦

畫罽基北里歡娛徵綺陌

臣錢維城

天門誅蕩敬雲達

魚龍曼衍真如此燈月交輝信有之佇候遨頭需

嫖姚

臣陳惠華

御製尚餘婪尾待波斯

時哈薩克汗所遣陪臣俄羅斯蘇爾統等計日至京覲謁將賜宴觀

燈火五層圓鵠彎弓射幾隊青驄擊鞠馳累洽帝京多勝

賞

開韶

禁籞迓繁禧傾心西域來蒲伏如意東皇令指麾竹簡

編從荆楚記

臣錢汝誠

金錢買許越吳支豐年處處連

棚樂化國人人擊壤嬉剪勝纔翻銀燕子

臣張泰開踏

歌猶唱火蛾兒星橋賸放金門鎖雪碗重挑翠釜

匙蟾窟分明邀桂父

臣王會汾

花旛次第護封姨上元

曲步崔張撰素滌辭看沈宋隨宴踵荔筵符卜繭

臣金柱

御製韻拈珠浦競探驪春明增錄今宵合汜勝占書五穀

宜節過明朝逮開印疇咨勤政共孜孜

燕九日作

羽客翻然蓬島騫人間生日尚傳喧
不過雲水留佳話率與歲時紀麗言
月讓黿山遲有意雪依冰沼淡無痕
收燈卒未能收得節景留將示大宛

題王蒙松壑高賢圖

茅檐商榷會清賓妙義通微復入神
童子候門真解事野橋更見盍簪人

叢芳榭得句

曲廊迴抱疎軒敞階俯琳池波泱泱繚以紗疏碧且虛
延爽障寒幽復朗宴息四序無不宜恒春花鎮含芳蕤
風攔雨淅氤氲際月宇雪窓澹蕩時摘藻發思真契妙
一歲之中曾幾到今來憩即今年初却笑何須亟營造

味腴書屋

含經堂畔敞書筵味道腴常喜靜便枕
莊崇情託經史躍飛精趣察魚鳶遣閒偶
染兔枝墨結習猶披獲葉篇少坐亟臨勤
政殿勅幾惟日慎邦權

題納翠樓

樓名納翠豈虛言
苑樹雖凋松竹存
邇日雪中饒別致

綠瓊天雨

去聲永珠繁

題倪瓚竹溪清隱卷

子芳振奇士無謝任章
安仲完何為者鵠嚇翰林官

陳仲

完跋尾稱萬子芳以是卷索詩蕭然出塵之操可想而具自署翰詹結銜甚倜豈一條永之謂耶

玉椀

曾未于闐遣使求
堅昆玉椀自來投
詎云有翼千斤獻

那肯無端大白浮賢問乃明君子德工言幾誤楚人珍
歲時宴饗斟香茗延喜明廷奕葉麻

時陰

春雲時散復時陰乙乙重生望雪心但解祈年不知足
匪今一念至斯今

夜雪

正月二十日

入夕濃雲佈中宵密雪霏光疑映月牖響不動風扉那
惜庭梅瘦端欣隴麥肥明朝銀色界逸興引遶飛

倪瓚虞山林壑

把酒看雲事真逸志遊寫照興猶賒

見雲林
自識語

金閭白甫

斯郊島秀削何妨自一家

御製詩二集卷八十三